

حضرت عیسیٰ نے پہلے صحابہ کرام

5¹ اک واری اسرح ہویا کہ حضرت عیسیٰ گنيسرت نی جھیل نے کنارے اپر کھلتے وے سٹ، تے بہوں سارے لوک انہاں اپر ٹھی کے اللہ تعالیٰ نا پیغام سُننے پئے سٹ۔² جھیل نے کنارے اپر انہاں دو بیڑیاں کھلتیاں تکیاں۔ مچھیاں پورٹے آلے انہاں وچوں لہی کے اپٹے جال توہنے پئے سٹ۔³ حضرت عیسیٰ اک بیڑی وچ چڑی گئے جیہڑی حضرت شمعون نی سی۔ انہاں حضرت شمعون کی آخیا، ”بیڑی کی کنارے توں ذرا ہٹائی شوڑ!“ فر حضرت عیسیٰ اُس وچ بھی گئے، تے اُتھوں ہی لوکاں کی تعلیم دین لغمے۔⁴ جس ویلے انہاں اپٹیاں گلاں ختم کیتیاں تے حضرت شمعون کی آخیا، ”بیڑی کی ڈونگے پائیسے وچ کھڑ، تے مچھیاں پورٹے واسطے اپٹے جال سٹ!“⁵ حضرت شمعون جواب دتا، ”حضور، آساں ساری رات بہوں محنت کیتی آے، پر کجھ وی حاصل نی ہویا۔ پر تساں نے آخنے اپر فر میں جال سٹی شوڑنا آں۔“

6 جس ویلے حضرت شمعون تے اُنہاں نے ساتھیان
 جال سٹے، تے اِتیاں مچھیاں پغڑیاں کہ اُنہاں نے جال
 تڑٹے شروع ہوئی گئے۔ 7 تے فر اُنہاں اپٹے سنگیاں
 کی جیہڑے دُوئی بیڑی وچ سٹ، اشارہ کری کے
 آخیا، ”اچھو! آساں نی مدد کرو!“ اُنہاں ساریاں
 ملی کے دُوئے بیڑیاں اِتیاں پہریاں کہ او ڈُب لگیاں۔

8 جس ویلے حضرت شمعون اے گل تکی، تے حضرت
 عیسیٰ نے پیراں وچ پئی کے آخیا، ”حضور! تِساں مہاڑے
 کولوں ہٹی جاؤ، کیئانکہ میں بہوں غنہگار آن!“ 9 اصل
 وچ او تے اُنہاں نے سارے سنگی اِتیاں ساریاں مچھیاں
 تکی کے بہوں ہی حیران ہوئی گئے سٹ۔ 10 اُنہاں لوکاں
 وچ حضرت زبدي نے پتر حضرت یعقوب تے حضرت
 یوحنا وی سٹ، جیہڑے شمعون نے کمے وچ شریک سٹ۔
 حضرت عیسیٰ شمعون کی آخیا، ”توں نا ڈر! پہلیں
 تے توں مچھیاں پغڑنا ریا این، پر ہن توں بعد توں لوکاں
 کی بلائی کے مہاڑے پیروکار بنا سیں۔“ 11 اے گل سٹی

کے اُنہاں بیڑی کی کِنارے اِپر ہٹی اَندا، تے سب کُجھ اُتھے ہی چھوڑی کے حضرت عِسیٰ نال ٹری گئے۔

حضرت عِسیٰ اِک کوہڑ نے مریض کی شِفا دیٹے اِن

12 جیہڑے ویلے حضرت عِسیٰ اِک شہر وِچ سُن، تے اُتھے اِک ایٹے جہیا بندہ آیا جِسی کوہڑ نی بیماری سی۔ اُس بندے جُون ہی حضرت عِسیٰ کی تکیا، تے اُنہاں نے پیراں وِچ پئی گیا تے مِنت کرنُ لغا، ”حُضور، تُساں چاہو، تے مِکی شِفا دیٹی کے اِس تُون پاک کری سکتے او!“

13 حضرت عِسیٰ اِپٹا ہتھ اگے کری کے اُس کی لایا تے آخیا، ”میں چاہتا آں۔ تُون پاک ہوئی جا!“ اُس بندے نا کوہڑ اُسے ویلے ختم ہوئی گیا۔

14 فر حضرت عِسیٰ اُس کی آخیا، ”خبردار! ہُن کُسے اگے اِس گل نا ذکر ناں کریاں! بلکہ پہلے تُون آپوں مذہبی پیشوا کول جائی کے پیش ہو، تے آپے کی چیک کرا۔ تے جیہڑی قُربانی حضرت موسیٰ دسی اے، او دیٹی شوڑیاں! تانکہ لوکاں نے سامٹے تہاڑے ٹھیک ہوئے نی گواہی ہوئی جائے۔“

15 حضرت عیسیٰ نے منع کرنے سے باوجود انہاں نی شہرت پھیلی گئی، تے بیشمار لوک انہاں نی تعلیم سُننے واسطے تے بیماریاں تُون شفا پائے واسطے انہاں کول اچھٹے رہے۔ 16 حضرت عیسیٰ فر وی دُعا کرنے واسطے ویلا کڈی کہننے سن، تے کُسے پاسے ایئے جہئی جغہ تری جائے سن جتھے کُسے نا اچھٹا جانا نا ہووے۔

حضرت عیسیٰ فالج ہوئے وے اک بندے کی شفا دیتے ان

17 اک دیہاڑے حضرت عیسیٰ تعلیم پئے دیتے سن، تے فریسی فرقے نے کجھ لوک تے بعض علما لوک وی اتھے آئے وے سن۔ اے لوک ریاست گلیل تے ریاست یہودیہ نے مختلف گرانواں، تے یروشلم شہر وچوں آئے وے سن۔ اُس ویلے اللہ تعالیٰ حضرت عیسیٰ کی بیماریاں کی شفا دیتے نی قدرت وی دتی وی سی۔ 18 اس دوران اسرح ہویا کہ کجھ لوک اک ایئے جہے بندے کی منجھی اپر ہٹی آئے، جسی فالج ہوئی گیا

سی۔ اُنہاں لوکاں کوشش کیتی کہ مفلُوج کی اُس گہرے
وچ اندر حضرت عیسیٰ کول ہٹی کھڑن۔¹⁹ پر پہیڑ زیادہ
ہوئے نی وجہ تُوں اُنہاں کی اندر جائے نا راہ ناں لبھا۔

فِر اُنہاں اِسرح کیتا کہ مفلُوج کی چائی کرے چھتے اِپر
ہٹی گئے۔ چھت پٹی کرے اُس بندے کی منجھی سمیت
لوکاں نے بشکار حضرت عیسیٰ نے کول لاہی شوڑیا۔

²⁰ حضرت عیسیٰ اُنہاں نا اِیمان تکیا ترے مفلُوج بندے
کی آخیا، ”سَنگیا، تہاڑے غُناہ معاف ہوئی گئے اُن!“

²¹ اے گل سٹی کرے شریعت نے عالماں ترے

فریسی فرقمے نے لوک اپٹے دِلاں وچ آخن لغے،
”اے ترے پیا کُفر کرنا! اللہ تعالیٰ نے بغیر کُن

اے، جیہڑا کُسرے نے غُناہ مُعاف کری سکتا؟“

²² جس ویلے حضرت عیسیٰ کی اُنہاں نے بارے وچ پتہ

چَلیا کہ او کرے آخٹے پئے اُن، ترے اُنہاں آخیا، ”تُساں

لوک اپٹے دِلاں وچ کیئاں ایئے جیاں گلاں کرنے او؟

²³ تُساں نا کرے خیال اے، اے آخٹا آسان اے کہ، ’تہاڑے

غُناہ معاف ہوئی گئے اُن؟‘ یا اے گل آخٹا کہ، ’اُٹھ

تے ٹری جا؟²⁴ پر ابنِ انسان یعنی کہ میں اے گلِ اس واسطے کیتی اے کہ تُوں کی پتہ چلے کہ اللہ تعالیٰ نی طرفوں مکی دُنیا وچ غناہ معاف کرنے نا اختیار اے۔“
 فر اُنہاں اُس مفلُوج کی آخیا، ”اُٹھ، اپنا بستر چائی کے اپٹے گھرے در جا!“²⁵ او بندہ اُسے ویلے لوکاں نے سامٹے اُٹھیا، تے جس بسترے پر پٹیا سی اُس کی چائی کے اللہ تعالیٰ نی حمد بیان کرنیاں کرنیاں اپٹے گھرے در ٹری گیا۔²⁶ سارے لوک اے گل تکی کے حیران ہوئی گئے، تے اللہ تعالیٰ نی تعریف بیان کری کے آخٹ لغے، ”آج آساں بہوں ہی عجیب مُعجزے تکرے ان!“

حضرت عیسیٰ محصُول کِہننے

اَلے ’لاوی‘ یعنی ’متی‘ کی بُلاٹے ان

²⁷ اِس تُوں بعد حضرت عیسیٰ اُس گھروں باہر نکلے، تے راہ وچ اُنہاں کی محصُول کِہننے آلا اک مُنشی ملیا جس نا ناں ’لاوی‘ سی۔ او اپٹی چُنگی وچ بیٹھیا وا سی۔ حضرت عیسیٰ اُس کی آخیا، ”تُوں

مہاڑے نال آئی جا!“²⁸ لاوی اٹھیا، تے سب کجھ
 اُتھے ہی چھوڑی کے حضرت عیسیٰ نال ٹری گیا۔
²⁹ فر اسرح ہویا کہ لاوی اپنے کہار حضرت عیسیٰ نی
 دعوت کیتی۔ اُتھے کافی سارے منشی تے ہور وی
 بہوں سارے لوک اُس دعوت وچ شریک ہوئے وے سٹ۔
³⁰ جس ویلے فریسی فرقمے نے لوکاں تے علماً لوکاں
 اے گل تکی، تے اُنہاں حضرت عیسیٰ نے صحابیاں
 اگے اعتراض کیتا، ”بے ایمان منشیاں تے غنہگار
 لوکاں نال بہی کے تساں کھاٹا پیٹا کیئاں کرئے او؟“
³¹ حضرت عیسیٰ اُنہاں نی گل سٹی کے آخیا،
 ”صحت مند لوکاں کی ڈاکٹر نی لوڑ نی ہوئی، بلکہ
 بیماراں ہی کی اُس نی لوڑ ہوئی اے۔“³² میں اُنہاں
 لوکاں واسطے ناں آیا جیہڑے اپنے آپ کی ایماندار
 سمجھئے اٹ، بلکہ اُنہاں واسطے جیہڑے غنہگار
 اٹ، تانکہ او اپنے غناہواں کی چھوڑی کے توبہ کرن۔“

روزیاں نے بارے وچ بحث

33 کجھ لوکاں حضرت عیسیٰ کولوں پُچھیا، ”کے گل
آے، جی؟ حضرت یحییٰ نے پیروکار تے فریسی فرقمے نے
لوک اکثر اوقات روزے رختے ان تے دُعاواں کرنے ان،
پر تُساں نے پیروکار ہر ویلے کھائے پیٹے ہی رہتے ان۔“
34 حضرت عیسیٰ انہاں کی جواب دتا، ”کے
خیال آے؟ جس ویلے جنجے آلیاں نال مرہاج
ہوئے، روزہ رخسٹ؟ کدے وی نی! 35 پر او ویلا
اچھسی کہ جدوں مرہاج انہاں کولوں جُدا کیتا
جاسی، او سوگ وچ کھانا پیٹا چھوڑی دیسٹ۔“
36 فر حضرت عیسیٰ اک مثال دیئی کے آخیا، ”کوئی
بندہ وی نویاں کپڑیاں کی پھاڑی کے انہاں نی ٹاکی
پُرائیاں کپڑیاں وچ نی لاٹا۔ اسرح کرنے نال نوے کپڑے وی
پھٹی جاسٹ تے او ٹاکی پُرائے کپڑیاں نال چنگی وی نی
لغٹی! 37 اسی طرح کوئی بندہ وی نوی انگوراں نی شراب
پُرائیاں مشکیزیاں وچ نی باٹا۔ کدے کوئی اسرح کرے
تے مشکیزے پھٹی جاسٹ، شراب ضائع ہوئی جاسی

تے مَشکِیزے کُسے کم نرے نی رہن لغے۔ 38 بلکہ اِس نا
اُلٹ نَوی شراب نَویاں مَشکِیزیاں وِچ باٹی چاہی نی اے۔
39 جیہڑا بندہ پُرائی شراب پیٹا اے، او کدے وی
اے گل نی چاہٹا کہ نَوی شراب پیئے، کیئانکہ او
اے گل آخٹا اے کہ، پُرائی چنگی ہوئی اے۔“

نور-ے-کشمیر



اللہ تعالیٰ اپنا فضل ترے امن پاک نبیاں نے ذریعے انسانیت پر ظاہر
کیتا۔ اسان نا دلی مقصد اے کہ اس پیغام کی پھیلا یا جائے۔
اسان خوشی نال عیسیٰ المسیح نے بارے وچ تُساں نال گل
کرساں، یا تُساں نال دُعا کرساں، یا تُساں نی مدد کرساں۔



<https://m.me/noor3kashmir> WhatsApp +447726104324 <https://noorekashmir.com>